

IV. OPOSICIÓN E CONCURSOS**SERVIZO GALEGO DE SAÚDE**

RESOLUCIÓN do 11 de marzo de 2021, da Dirección Xeral de Recursos Humanos, pola que se declaran, con carácter provisional, as persoas aspirantes admitidas e excluídas e as exentas e non exentas do exercicio de lingua galega e se nomean os tribunais cualificadores do concurso-oposición para o ingreso nas categorías de médico/a de urxencias hospitalarias e médico/a asistencial do 061, convocado pola Resolución do 13 de decembro de 2019.

Mediante Resolución desta dirección xeral do 13 de decembro de 2019 (*Diario Oficial de Galicia* núm. 246, do 27 de decembro), modificada por Resolución do 21 de decembro de 2020 (*Diario Oficial de Galicia* núm. 257, do 23 de decembro) convocouse concurso-oposición para o ingreso nas categorías de médico/a de urxencias hospitalarias e médico/a asistencial do 061.

A base 6.1 desta Resolución establece que, finalizado o prazo de presentación de solicitudes, a Dirección Xeral de Recursos Humanos do Servizo Galego de Saúde publicará no *Diario Oficial de Galicia* a resolución pola que se declaren con carácter provisional os/as aspirantes admitidos/as e excluídos/as, co motivo da exclusión, así como os/as aspirantes exentos/as e non exentos/as da realización do exercicio acreditativo do coñecemento de lingua galega.

Na súa base sétima dispónse que os tribunais cualificadores do concurso-oposición, para cada unha das categorías que se convocan, serán nomeados pola autoridade convocante cunha antelación mínima dun mes á data de realización das probas, para o cal se publicará a oportuna resolución no *Diario Oficial de Galicia*.

De conformidade coas anteditas bases, esta dirección xeral, como órgano convocante do proceso,

RESOLVE:

Primeiro. Declarar, con carácter provisional, os/as aspirantes admitidos/as e excluídos/as, así como os/as exentos/as e non exentos/as da realización do exercicio de lingua galega no concurso-oposición para o ingreso nas categorías de médico/a de urxencias hospitalarias e médico/a asistencial do 061, convocado pola Resolución do 13 de decembro de 2019, modificada pola Resolución do 21 de decembro de 2020.



As listas coa relación provisional de admitidos/as e excluídos/as, con indicación do motivo de exclusión, e os/as declarados/as exentos/as e non exentos/as da realización do exercicio de lingua galega, poderán examinarse na páxina web do Servizo Galego de Saúde (www.sergas.es).

Ademais, o estado de cada solicitude pode ser consultado polo/a solicitante no seu expediente electrónico persoal en Fides/expedient-e/sección de procesos.

As persoas aspirantes excluídas e as declaradas non exentas da realización do exercicio de galego disporán dun prazo de dez días hábiles, contados a partir do día seguinte ao da publicación desta resolución no *Diario Oficial de Galicia* para poder emendar, de ser o caso, o defecto que motivou a súa exclusión e/ou a declaración de non exento/a da realización de tal exercicio, mediante escrito dirixido á mesma unidade de validación á que se dirixiu a instancia de participación, que deberá presentarse nun rexistro administrativo ou a través de calquera dos procedementos dispoñibles do artigo 16.4 da Lei 39/2015, do 1 de outubro, do procedemento administrativo común das administracións públicas.

Disporán do mesmo prazo de reclamación as persoas que, tendo presentado debidamente a solicitude de participación no proceso, non consten como admitidas nin excluídas na relación publicada.

A estimación ou a desestimación das solicitudes de emenda entenderase implícita na resolución pola que se aprobe, con carácter definitivo, a relación de admitidos/as e excluídos/as e de exentos/as e non exentos/as do exercicio acreditativo do coñecemento da lingua galega, que se publicará no *Diario Oficial de Galicia*.

Segundo. Nomear, con efectos desde o día da súa publicación no *Diario Oficial de Galicia*, os membros dos tribunais, titulares e suplentes, que xulgarán o proceso selectivo e que se relacionan, para cada categoría, no anexo desta resolución.

Terceiro. Declarar de aplicación a este proceso as normas de funcionamento e actuación dos tribunais e do persoal colaborador, negociadas e aprobadas na Mesa Sectorial de Sanidade así como o Protocolo de medidas de seguridade e organizativas no desenvolvemento dos procesos selectivos do Servizo Galego de Saúde fronte á pandemia COVID-19 autorizado pola Dirección Xeral de Saúde Pública da Consellería de Sanidade; publicados ambos os documentos á disposición das persoas interesadas na páxina web do Servizo Galego de Saúde (www.sergas.es).

Santiago de Compostela, 11 de marzo de 2021

Ana M^a Comesaña Álvarez
Directora xeral de Recursos Humanos



ANEXO

Médico/a Asistencial do 061			
Presidenta titular	López Unanua, M ^a del Carmen	Persoal estatutario licenciado sanitario	Médico/a Asistencial do 061
Secretario titular	Peñas González, Orlando	Funcionario corpo superior Administración Xunta de Galicia	Escala de Letrados
Vogal titular	Castro Balado, Eva M ^a	Persoal estatutario licenciado sanitario	Médico/a Asistencial do 061
Vogal titular	Katscher, Wolfgang	Persoal estatutario licenciado sanitario	Médico/a Asistencial do 061
Vogal titular	Pérez Pacheco, Marina	Persoal estatutario licenciado sanitario	Médico/a Asistencial do 061
Presidente suplente	Díaz Vázquez, José Antonio	Persoal estatutario licenciado sanitario	Médico/a Asistencial do 061
Secretario/a suplente	López López, Manuel José	Persoal estatutario de xestión e servizos	Grupo Técnico da Función Administrativa
Vogal suplente	Castro Trillo, Juan Antonio	Persoal estatutario licenciado sanitario	Médico/a Asistencial do 061
Vogal suplente	González Blanco, M ^a Amparo	Persoal estatutario licenciado sanitario	Médico/a Asistencial do 061
Vogal suplente	Vila Alonso, M ^a Teresa	Persoal estatutario licenciado sanitario	Médico/a Asistencial do 061
Médico/a de Urgencias Hospitalarias			
Presidenta titular	Rodríguez Justo, Sandra	Persoal estatutario licenciado sanitario	Médico/a de Urgencias Hospitalarias
Secretaria titular	Fiel Paz, Nieves	Persoal estatutario de xestión e servizos	T. Superior de Sistemas e Tecnoloxías da Información
Vogal titular	Calvo Muñoz, Marcos	Persoal estatutario licenciado sanitario	Médico/a de Urgencias Hospitalarias
Vogal titular	Pérez Rodríguez, Alejandra	Persoal estatutario licenciado sanitario	Médico/a de Urgencias Hospitalarias
Vogal titular	Rodríguez Trigo, Sandra	Persoal estatutario licenciado sanitario	Médico/a de Urgencias Hospitalarias
Presidente suplente	Castro Fernández, Javier	Persoal estatutario licenciado sanitario	Médico/a de Urgencias Hospitalarias
Secretario suplente	Peñas González, Orlando	Funcionario corpo superior Administración Xunta de Galicia	Escala de Letrados
Vogal suplente	Calvo López, Ricardo	Persoal estatutario licenciado sanitario	Médico/a de Urgencias Hospitalarias
Vogal suplente	España Gómez, Sergio	Persoal estatutario licenciado sanitario	Médico/a de Urgencias Hospitalarias
Vogal suplente	Seijas Rodríguez, M ^a del Carmen	Persoal estatutario licenciado sanitario	Médico/a de Urgencias Hospitalarias

